

Heiqbouxsaе Bouxcuengh

□ Daenggingh cingjeix



▲ Vunzlai comzyawj heiqbouxsaе Bouxcuengh.

◀ Heiqbouxsaе Vujsenh.



▲ Heiqbouxsaе Bouxcuengh mizseiz dwg boux dog gag yienj.



▲ Yaek diuq fouxboxsaе gaxgonq.



▲ Bouxdiuq din fwngz doxboiq ning ndaej habngami.

Heiqbouxsaе Bouxcuengh, vunz Bouxcuengh heuhguh “ciengq sae” “diuq sae”, dwg cungj yisuz ndaw-biengz vunz Bouxcuengh gyaemaij haenx, hix dwg cungj heiq youq gih raeuz cienzlah cei qvengq ndeu. Heiqbouxsaе Bouxcuengh dingzlai cienzlah youq Hozciz、Yizsanh、Laizbinh、Vujmingz、Yunghningz、Gveigangj daengj dieg Bouxcuengh comzyouq, daj “diuq fangz(baed)” hwngfat daeuj. Youq bi 1445 miz daengz seizneix, heijdaez dwg boux ndeu ciengq gojgaeq, daengzlaeng hwngfat baenz boux ndeu yienj lai boux ciengq gojgaeq caeuq diuq fouxngeggoemq, daengz Ciuhcinh duenh Dungzci(bi 1862-1874) couh hainduj faen lai boux yienj gojgaeq, neix gaenq miz 500 lai bi nanz lo.

Yienj heiqbouxsaе seizhaenx, bouxsaе aeu daenj ngeggoemq “cingj

sien(baed) daeuj laeh(log) fangz deuzbae”, doq diuq doq ciengq. Heijdaez diuq foux ngaih, ciepdwk bouxsaе ciengq di vahmieng roxnaeuz gojgaeq cunghgyau daengj, dingzlai diuq foux baed ndawbiengz; daih-bouhfaenh yienh’ok doenghgiy neiyungz cingj sien(baed) daeuj laeh(log) fangz deuzbae、gouz fuk siu cai roxnaeuz angqhoh soundaej lai couh gyo’mbaiq duzsien(baed). Bouxdog gag diuqfoux seiz, geij yienh dungcoz daeuz baebae dauqdaug daj goek diuq daengz byai, mboengq foux caezcienz, ning dingz cingcuq caez-caemh. Aenvih bouxsaе cingj sien(baed) daeuj laeh(log) fangz deuzbae seizhaenx gicingciengz doq hemq doq ciengq, mbouj miz vahgangj, baenz ndeu ciengq daengz sat, neix youh heuhguh heiqsei Bouxcuengh.

Heiqbouxsaе Bouxcuengh sup-haeuj doenghgiy gojgaeq ndawbiengz、cienzgangj Bouxcuengh cienzlah haenx lailai bae, aeu daeuj hawj neiyungz yienjok lai cungj lai yienh. Youq yienj heiq ndawde miz vah-ciengq、singciengq caeuq diuqfoux, neix ngamq ndaej baenz le yienh heiq. Mboengq hainduj, bouxsaе youq yienjheiq seiz daiq ngeggoemq,

dangguh duzbaed(duzsien) coengh vunzlai laeh(log) fangz laeh bingh deuzbae. Daengzlaeng heiqmoeg bienq lai lo, “vunz baed(sien)” lai noix mbouj doengz lo, aeu cangsiengq lai, yungh ngeggoemq noix lo, heiqbouxsaе bienq baenz cungj heiq ndeu——Heiqsaе Bouxcuengh.

Youq Laizbinh Si Hinghbinh Gih、Vujsenh Yen、Siengcouh Yen、Hozsanh Si doenghgiy mbanj Bouxcuengh comzyouq haenx, ca mbouj lai cungj miz bouxyienj heiqbouxsaе Bouxcuengh. Gyoengqde yienj heiqmoeg cojcienz, vanlij bien yienj heiqmoeg diepgyawj swnghcanj swnghhoz vunzlai, baenz daengz seiz gvaq ciet guh’angq, cungj miz hozdung yienj heiqbouxsaе, vunzlai gyaemaij dangqmaz.

2002 nienz 8 nyied, Vujsenh Yen Dunghvanj Cin ndaej Swcigh Vwnzva Dingh soengq hawj aen cwnghueh “mbanjanj heiqbouxsaе Bouxcuengh”. 2007 nienz 1 nyied, Swcigh Yinzminz Cwnghfuj dawz “heiqbouxsaе Bouxcuengh” lied haeuj swcigh gaep daih’it buek feihvuzciz vwnzva yizcanj mingzloeg.



▲ Lai boux caez diuq ndei yawj dangqmaz.



▲ Umj gyong youq gwnz daizheiq diuq fouxboxsaе.



▲ Doenghgiy ngeggoemq bouxsaе yungh haenx.



▲ Vunzlai humxyawj bouxsaе angq diuq.